

Неделя 19-я по Пятидесятнице,
преп. Харитона исповедника
Глас 2

28 сентября / 11 октября

Тропарь воскресный, глас 2:

Егда́ снизше́л еси́ к сме́рти, Животе́ Без-
сме́ртный, тогда́ ад умертви́л еси́ блиста́ни-
ем Божества́. Егда́ же и умершья́ от преис-
подних воскресил еси́, вся Силы́ Небесныя
взыва́ху: Жизнода́вче, Христэ́ Бо́же наш,
сла́ва Тебе́.

Тропарь святого:

Слез твои́х теченьми́ пусты́ни беспло́д-
ное возде́лал еси́, и и́же из глубинѣ́ възды-
ханьми во сто трудо́в у плодоноси́л еси́, и
был еси́ свети́льник вселенныя́, сия́я чуде-
сы́, Харитоне́ отче наш; моли́ Христа́ Бо́га
спасти́ся душа́м на́шим.

Богородичен:

Иже нас ра́ди рождейся́ от Девы́ и распя́тие
претерпе́в, Благо́й, испрове́ргий сме́ртию
смерть, и воскресе́ние явле́й, я́ко Бог, не
презри, я́же созда́л еси́ руко́ю Твое́ю; яви́
человеколю́бие Твое́, Милостиве́, приими́
ро́ждшую Тя Богоро́дицу, моля́щуюся за
ны, и спаси́, Спа́се наш, лю́ди отча́янные.

Песнь I

Канон воскресный, глас 2:

¹погубила

²некогда

³истребило

Ирмос: *Во глубинѣ постла¹ иногда² фараонитское всевоинство преоруженная сила; воплощающееся же Слово всезлбный грех потребило³ есть, препрославленный Господь, славно бо прославися.*

⁴которому

мы предали себя

⁵напав

⁶изобличен

в бессилии

Мирский князь Блаже, емуже написахомся ⁴, заповеди Твоея не послушавше, крестом Твоим осудися: приразися⁵ бо Ти яко смертну: отпадѣ же власти Твоея державою, и немощный обличися⁶.

Избавитель рода человеческого, и нетленному животу Начальник в мир пришел еси: Воскресением бо Твоим раздрал еси смертныя пелены, Еже славословим вси: славно бо прославися.

Превышши явилася еси, Чистая Приснодево, всякия невидимыя же и видимыя твари: Зиждителя бо родила еси, яко благоволи воплотится во утробе Твоей, Егоже со дерзновением моли, спасти души наша.

Канон Крестовоскресный, глас 2:

⁷непроторенным

⁸не замочив ног

⁹пройдя путем

Ирмос: *Нетрену⁷, необычну, немокренно⁸ морскую шествовав стезю⁹, избранный вопияше Израиль: Господеву поим, яко прославися.*

Сила немощных, Воскресение падших, и нетление умерших был еси, Христе, плоти Твоея страстию: яко прославися.

Ущедри падший образ, и воскреси сокрушенный, Содетель Бог и Обновитель умерщвлен быв¹⁰ всех оживи: яко прославися.

¹⁰сделавшись
мертвым

Канон Богородицы, глас 2:

Ирмос той же.

Невещественная древле лествица, и странно оледеневший путь моря, Твое являше Рождество¹¹, Чистая, еже поем вси: яко прославися.

¹¹рождение
от Тебя

Сила Вьшнего, Ипостась Совершенная, Божия Мудрость, воплощися, Пречистая, из Тебе, к человеку беседова: яко прославися.

Канон святого:

Ирмос: *Моря чермную пучину, невлажными стопами, древний пешешествовав Израиль, крестообразными Моисеовыма рукама, Амаликову силу в пустыни победил есть.*

Моря страстного пучину преплыв, живоносным оружием Креста фараона лукаваго

мЫсленнаго, блаженне, божественною силою потопил еси.

Господу возложен, блаженне, от матерних пелен, пред мучительским судищем Христа богомудренно проповедал еси, Моисейски бо низложил еси противоборных шатания.

Прелести оставив Египет, Харитоне преподобне, и пустынногражданин быв, чисто беседовал еси Чистому и приял еси Небесное наследие.

Богородичен: Безсеменно Отчею волею от Божественнаго Духа Божия Ты зачала еси Сына/ и плотию родила еси, из Отца безматерня и нас ради из Тебе безотча.

Катавасия: *Отверзу уста моя, и наполнятся Духа, и слово отрыгну Царице Матери, и явлюся, светло торжествуя, и воспою, радуясь, Тя чудеса.*

Песнь 3

Канон воскресный:

¹² ЛИЛИЯ

Ирмос: *Процвела есть пустыня, яко крин¹², Господи, языческая неплодящая церковь, пришествием Твоим, в нейже утвердися мое сердце.*

Тварь в страсти¹³ Твоей изменяшеся, зрящи
Тя в нищётне образе от беззаконных пору-
гаема, основавшего вся Божественным ма-
новением.

¹³в страда-
нии

От персти¹⁴ по образу мя рукою Твоею со-
здal еси: и сокрушена паки в персть смерт-
ную за грех, Христэ сошед во ад, совоскре-
сил еси.

¹⁴из праха

Богородичен: Чини удившася ангельстии,
Пречистая, и человеческая устрашшася
сердца о Рождестве Твоем: темже Тя, Бого-
родицу, верою чтим.

Канон Крестовоскресный:

Ирмос: *Лук сокрушися сильных державою Тво-
ею Христэ, и силою немощствующии препоясаша-
ся.*

Иже всех вшши Христос, умалися ма-
лым чим, страстию¹⁵ плотскою, ангельска-
го естества.

¹⁵страда-
нием

Мертв со беззаконными вменився, сия же-
нам венцем славы, Христэ, явился еси от
Воскресения.

Канон Богородицы:

Ирмос той же.

Иже врёмене превы́шший всякаго, яко врёменем Творецъ, из Тебѣ, Дѣво, волею Младенецъ создася.

Чрево пространнейшее небесъ воспойм, имже Адамъ на небесехъ радуяся, живёт.

Канон святого:

Ирмосъ: *Веселится о Тебе Церковь Твоя Христе, зовущи: Ты моя крепость Господи, и прибежище, и утверждение.*

Веселится о тебѣ учениковъ словесная паства твоя духовно, преподобне, твоей общащися свѣтлости.

Мудрование плотское, яко виновное вражды на Бога, жизни Духу, преподобне Харитоне, повинул еси.

Низложил еси давидски/ иноплеменика Голиафа, преподобне, мысленнаго силу всеоружием Духа.

Богородичен: Ты еди́на сущимъ на земли/ па́че естества́ благихъ Ходатаица, Мати́ Божия, была́ еси. Темъ Тебѣ: радуйся! зовём.

Катавасия: *Твоя песнословцы, Богородице, Живый и Независтный Источниче, ликъ себе совокупльшия, духовно утверди, в Божественней Твоей славе венцевъ славы сподоби.*

Кондак святого:

Насладівся, богомудре, воздержания и плоти твоея вожделения обуздав, явился еси верою возвращаем и, яко жизни древо посреде рая, процвел еси, Харитоне всеблаженне священнейший.

Икос:

Отверзи моя уста, преблаженне, благоприятными твоими молитвами, предстою Богу, всеславне преподобномучениче, да воспую божественное твое житие/ и возглаблю достойно добродетели твоя, яже на земли теплою любовью совершил еси. Исповедник бо был еси крепчайший, воздержание же верою исправил еси, бдение и чистоту возлюбив, Харитоне всеблаженне, священнейший.

Седален святого:

Страдания болезнями искусився, пощения страданиями утвердився, злата светлейший благочестием облистал еси и чистое приятелище был еси Духа: лукавых духов тьму разгнал еси. Тем собрав монашествующих множества, пастырь их был еси и светильник светлейший, Харитоне блаженне. Мо-

ли Христа Бога грехов оставление даровати
чтущим любовию святую память твою.

Богородичен:

В напасти многоплетенныя впад от враг видимых и невидимых, бурю одержимь безчисленных согрешений моих, и яко к теплomu защищению и покрову моему, Чистая, ко пристанищу притекаю Твоея благодати. Темже, Пречистая, из Тебе Воплощенному безсеменно/ молися прилежно о всех рабах Твоих, непрестанно молящихся Тебе, Богородице Пречистая, молящи Его присно согрешений оставление даровати воспевающим достойно славу Твою.

Песнь 4

Канон воскресный:

Ирмос: *Пришел еси от Девы, не ходатай, ни Ангел, но Сам, Господи, воплощься, и спас еси всего мя человека. Тем зову Ти: слава силе Твоей, Господи.*

Предстоиши судищу яко судимь, Боже мой, не вопия Владыко, суд износя языком: имже страстию Твоею, Христе вселенней соделал еси Спасение.

Страстию Твоею, Христэ, врагу оскудэша ору́жия¹⁶, противным¹⁷ же е́же во ад схождéнием Твоим, грады разруши́шася, и мучи́телева дёрзость низложéна бысть.

¹⁶враг обез-
оружен
¹⁷против-
ников

Богородичен: Тя пристáнище спасéния, и стéну недви́жиму, Богорóдице Влады́чице, вси вёрнии свéмы¹⁸: Ты бо моли́твами Твои́ми избавля́еши от бед дýши нáша.

¹⁸признаем

Канон Крестовоскресный:

Ирмос: *Услышах Господи, славное Твое смотрение, и прославих Человеколюбче, непостижимую Твою силу.*

Видевши на дрéве Тя, Христэ пригвождéна, Дéва, Яже неболэзненно Тя рóждшая, мáтерски болэзни претерпé.

Побеждéна бысть смерть, мертв пленяет áдова вратá: всеядцу бо разóршуся¹⁹, я́же пáче естества вся²⁰ ми даровáшася.

¹⁹когда
сокрушен
всепожи-
рающий

Канон Богородицы:

Ирмос той же.

Се превознесéся Божéственная Горá дóму Госпóдня, превы́шше сил, Богомáтерь я́вственнейше.

²⁰все сверхъ-
естествен-
ное

Зако́нов естѣственныхъ кромѣ²¹, Еди́на Дѣво
ро́ждши влады́чествующаго тва́рию, спо-
до́билася еси́ Божѣственнаго зва́ния.

Канонъ святого:

Ирмо́с: *Любве ради, Щедре, Твоего образа на
Кресте Твоем стал еси, и растаяшася языцы: Ты
бо еси, Человеколюбче, крепость моя и хваление.*

Веселя́ся преподо́бный о Го́споде, я́ко побе-
ди́тель, вопия́ше на враги́ безплóтныя: Бог
мой крѣпость моя́ и Госпо́дь.

Венча́ша тя благода́ти, Харито́не, страда́ль-
ческим венце́м Христо́ва Ца́рства: преле-
сти бо пия́нство искорени́л еси́, блаже́нне.

Муча́щия прѣжде сконча́ния твоего́, Ха-
рито́не, воздержа́ния болѣзньми сла́сти
умертви́в, живонóсною ме́ртвостию, пре-
подобне, оде́ялся еси́.

Богородичен: Неизрече́нно Твое́ рожде-
ствó показáся, Богороди́тельнице, еди́на
Чи́стая и Благословѣ́нная: тем Ти припада́-
юще: ра́дуйся! взывáем.

Катавасия: *Седя́й в Сла́ве на Престо́ле Бо-
жества́ во облаце́ легце́, прииди́ Иису́с Пребо-
жѣственный, Нетлѣ́нною Дла́нию и спасе́ зову́-
щия: сла́ва, Христѣ́, си́ле Твое́й.*

Песнь 5

Канон воскресный:

Ирмос: *Ходатай Богу и человеком был еси, Христэ Боже; Тобою, бо Владыко, к Светоначальнику, Отцу Твоему, от нощи неведения приведение мамы*²².

²²доступ
имеем
²³высоко-
мерие языч-
ников
²⁴сосна

Яко кедры, Христэ, языков шатание²³ сокрушил еси волею, Владыко: яко избóлил еси на кипарисе, и на пёвке²⁴, и кедре, плóтию совозвышаемь.

В рове, Христэ, преисподнем положиша Тя бездыханна мёртва: но Твоею язвою забвенныя мертвыя²⁵, иже во гробех спящия, уязвен с Собою воскресил еси.

²⁵мертвых в
забвении

Богородицен: Моли Сына Твоего и Господа, Дёво Чистая, на Тя уповающим мир даровати, пленённым избавление, от сопротивных настояний²⁶.

²⁶враждеб-
ных обстоя-
тельств

Канон Крестовоскресный:

Ирмос: *Угль Исаии проявлейся, Солнце из девственной утробы возсия, во тьме заблуждшым, богоразумия просвещение даруя.*

Постыти отвергыйся²⁷ Адам, вкушает смертонóснаго дрéва пёрвый: но сего грех по-
требляет²⁸, распныйся Вторый.

²⁷отказав-
шийся от
поста
²⁸истреб-
ляет

²⁹даровав
нетление

Естествомъ человѣческимъ страстенъ же и смѣртенъ былъ еси, Иже безстрастный невещественнымъ Божествомъ, безтливый²⁹ умерщвленныя, Христѣ, отъ преисподнихъ адовыхъ воскресилъ еси.

Канонъ Богородицы:

Ирмосъ той же.

Облацы веселія сладостьъ кропите сущимъ на земли: яко Отроча дадеся, Иже сый прежде векъ, отъ Дѣвы воплощся Богъ нашъ.

Житию и плоти моеи светъ возсия, и дряхлость греха разруши: напоследокъ³⁰ отъ Дѣвы безъ семени воплощся Вышний.

³⁰в послед-
нее время

Канонъ святого:

Ирмосъ: *Ты Господи мой, Светъ въ миръ пришелъ еси. Светъ Святыи, обращаи изъ мрачна неведения, верою воспевающихъ Тя.*

Ты, преподобне, Свѣта несквернено зерцало, Вышняго просвѣщенія, свѣтло явился еси, Харитоне всеблаженне.

Ты, преподобне, сугубыми сияеши благодатями, страданія бо ранами благочестно озарился еси и болѣзнями пощничества.

Тя, преподобне, душам врач явился еси,
Божественныя от младых ногтей взыскав
мудрости, всеблаженне.

Богородичен: Тя оружие непобедимое на вра-
ги предлагаем, Тя державу и надежду наше-
го спасения, Богоневесто, стяжанием.

Катавасия: *Ужасошася всяческая о Бо-
жественней славе Твоей: Ты бо, Неискусобрачная
Дева, имела еси во утробе над всеми Бога/ и
родила еси Безлетнаго Сына,/ всем воспевающим
Тя мир подавающая.*

Песнь 6

Канон воскресный:

Ирмос: *В бездне греховней валяясь, неизследную
милосердия Твоего призываю бездну: от тли³¹ Бо-
же, мя возведи.*

³¹гибели

Яко злодей Праведник осудися и со безза-
конными на древе пригвоздися, повинным
оставление Своєю даруя кровию.

Единем убо человеком, первым Адамом
древле в мир вниде³² смерть, и Единем Вос-
кресение Сыном Божиим явися.

³²вошла

³³не по-
знав мужа

Богородицен: Неискусомужно³³, Дёво, родила еси, и вёчнуеши Дёва, являющи Истиннаго Божества, Сына и Бóга Твоего образы.

Канон Крестовоскресный:

Ирмос: *Глас глагол молебных от болезненныя Владыко, души услышав, от лютых мя избави: Един бо еси нашего спасения виновен.*

³⁴стражами
назначил

Блюстители положи еси³⁴ падшему, херувимы древа животнаго, но видевше Тя, двэри отверзóшася: явилася бо еси, путе-творя разбойнику в рай.

³⁵собрал

Пуст ад и испровержен бысть смёртию Единаго: еже бо многое богатство сокровиществова³⁵, Един о всех нас Христос источил есть.

Канон Богородицы:

Ирмос той же.

³⁶получило

Естество человеческое работающее греху, Владычице Чистая, Тобою свободу улучи³⁶: Твой бо Сын, яко агнец, за всех закалается.

Вопиём Ти вси, истинней Богоматери, прогнававшыя рабы избави: Едина бо дерзновение к Сыну имаши.

Канон святого:

Ирмос: *Пожру Ти со гласом хваления Господи, Церковь вопиет Ти, от бесовския крове очищися, ради милости от ребр Твоих истекшею кровию.*

Не песок, но Христа основание положив, надал еси, отче, добродетель, злата честнейшую, и Троицы Пресвятыя дом был еси. (Дважды)

Орган злобы змий знается, но, твоими, богоносе, угождении, Харитоне, побежден, неправедныя от праведнаго Промысла отмщает. (Дважды)

Ничтоже тебе от Христовы любви отлучи: ни ураняемо тело, ни смертный суд претящий, во единении Божественном наслаждаяся, блаженне.

Богородичен: О чудо, всех чудес новее! Яко Дева во чреве всяческая Содержащаго словом, неискусомужно зачещи, не тесновмести.

Катавасия: *Божественное сиё и всечестное совершающе празднество, Богомудрии, Богоматере, приидите, руками восплещим, от Ней рождагося Бога славим.*

Кондак воскресный, глас 2

Воскрёсл еси от гроба, Всесильне Спасе, и ад, видев чудо, ужасёся, и мёртвии воста́ша; тварь же видящи сра́дуется Тебё, и Ада́м свеселится, и мир, Спасе мой, воспева́ет Тя прісно.

Икос

Ты еси́ Свет омрачённым, Ты еси́ Воскресёние всех, и Живот челове́ков, и всех со-воскресил еси́, сме́ртную держа́ву, Спасе, разорь, и адова врата́ сокруши́вый, Сло́ве: и мёртвии видевше чудо, чудя́хуся, и всяка тварь сра́дуется о Воскресёнии Твоём, Человеколю́бче. Те́мже и вси сла́вим и поём Твоё снизхожде́ние, и мир, Спасе мой, воспева́ет Тя прісно.

Песнь 7

Канон воскресный:

Ирмо́с: *Богопро́тивное велёние беззако́ннующаго мучи́теля вы́сок пла́мень вознесло́ есть; Хри́стос же простре́ Богочесті́вым отро́ком росу́ духо́вную, Сый благослове́н и препросла́влен.*

Не терпел еси, Владыко, за благоутробию смерти человека зрети мучима, но пришел и спас еси Твоею кровию, человек быв: Сый благословен и Препрославлен, Бог отец наших.

Видевше Тя, Христэ, оболчена³⁷ во одежду отмищения, ужасошася вратницы адовы: безумнаго бо мучителя раба, Владыко, пришел еси убить: Сый благословен и Препрославлен, Бог отец наших.

³⁷облеченного

Богородица: Святых Святэйшую Тя разумеем, яко Едину рождшую Бога Непременнаго³⁸, Деву Нескверная, Мати Безневестная: всем бо верным источила еси нетление, Божественным Рождеством Твоим.

³⁸неизменяемого

Канон Крестовоскресный:

Ирмос: *Ветии³⁹ явишася отроцы, любомудрейшии древле: от богоприятныя бо души богословяще, устнами пояху: Пребожественный отец и наш Боже благословен еси.*

³⁹красноречивыми стали

Осуди праотца древле во Едеме преслушание: но волею судимь бысть⁴⁰, преступльшему разрешая прегрешения, Пребожественный отец Бог, и Препрославлен.

⁴⁰добровольно был осужден

⁴¹ужален-
го

Спасл еси уязвеннаго⁴¹ языком, завистию
человекоубийцы, во Едеме вольным угры-
зением⁴², вольною бо страстию исцелил
еси, Пребожественный отецв Бог, и Преп-
рославлен.

⁴²раной по
своей воле

Канон Богородицы:

Ирмос той же.

Зряще в нощи убо Иаков, яко в гадании Бо-
га воплощенна, из Тебе же светлостию яви-
ся поющим: Пребожественный отецв Бог,
и Препрославлен.

Знамения яже в Тебе, неизреченнаго про-
являя снятия⁴³, со Иаковом борется: имже
волею соединиися человеком, Чистая: Пре-
божественный отецв Бог, и Препрослав-
лен.

⁴³сочетания

Канон святого:

Ирмос: *В пещи Авраамстии отроцы персид-
стей, любовью благочестия паче, нежели пламе-
нем опаляеми взываху: благословен еси в храме сла-
вы Твоя Господи.*

Иже в пещи авраамским подобяся ревно-
стию благочестия, веление мучительско,
богоносне попрал еси: благословен еси, зо-
вий, Боже мой, Господи.

Яко в пещи́ искуше́ния разжже́ния бо-
же́ственна, хладодáтельница с Небесе́ благо-
да́ть посети́ тебе́, преподо́бне: благословен
еси́, зови́й, Бо́же мой, Го́споди.

Яко уязвлен Трoическим Бо́жиим раче́ни-
ем, той равночísленные огра́ды духо́вне
пою́щая возложи́л еси́: благословен еси́ в
хра́ме сла́вы Твоея́, Го́споди.

Богородичен: Ви́шняго освяще́нное Бо-
же́ственное селе́ние, ра́дуйся, Тобо́ю бо
даде́ся ра́дость, Богоро́дице, зову́щим: бла-
гословенна Ты в жена́х еси́, Всенепоро́чная
Влады́чице.

Катавасия: *Не послужи́ша тва́ри Богомúдри
па́че Созда́вшего, но, oгненное преи́щение мýжески
попра́вше, ра́довахуся, пою́ще: препе́тый оцeв
Госпо́дь и Бог, благословен еси́.*

Песнь 8

Канон воскресный:

Ирмо́с: *Пещь иногда́ oгненная в Вавило́не де́й-
ства разделя́ше⁴⁴, Бо́жиим велeнием халдеи опа-
ля́ющая, ве́рныя же ороша́ющая, пою́щая: благо-
словите вся дела́ Господня́, Го́спода.*

⁴⁴являла
различные
действия

⁵облагренное

Крѡвию Твоєю, Христѣ, очервлѣно⁴⁵ плѡти Твоея зряще одеяние, трѣпетом ужасахуся мно́гому Твоему́ долготерпѣнию а́нгельстии чѣни, зову́ще: благословѣте вся дела́ Господня, Гѡспода.

⁴⁶мою
смертную
природу
облек

Ты моѣ смѣртное одѣял еси⁴⁶, Щѣдре, в безсмѣртие востаніем Твоим. Тѣмже веселя́щаяся благодарственнo воспева́ют Тя избраннии лю́дие, Христѣ, зову́ще Тебѣ: поже́рта⁴⁷ бысть вои́стинну смерть побѣдою.

⁴⁷принесена
в жертву, т.е.
уничтожена

Ты, Иже Отцѹ неразлѹчнаго, во утрѡбе богомѹжно пожѣвша безсѣменнo зачала́ еси́, и неизречѣннo родила́ еси́, Богородѣтельнице Пречѣистая: тѣмже Тя спасѣние всех нас свѣмы⁴⁸.

⁴⁸мы узнаем
в Тебе

Канон Крестовоскресный:

Ирмос: *О подобии злате, небрегше треблаженнии юноши, неизменный и живый Божий образ видевше, среди огня воспеваху: осуществованная да поет Господа вся тварь, и превозносит во вся веки.*

Вѣден был еси́ на крестѣ пригвождаемъ, Иже богаты́й в мѣлости, волею погрѣблся еси́: и триднѣвно воскрѣсл еси́, и избавил еси́ вся челове́ки, Человеколю́бче, вѣрою пою́щия: да поѣт Гѡспода вся тварь, и превозно́сит во вся вѣки.

Избавити от истлѣния, сошедъ в преиспод-
ня, Слове Божий, егѣже⁴⁹ создал еси, Хри-
сте, силою Твоею Божественною, и без ис-
тлѣния сотвори, славы присносущныя Тво-
ея причастника соделал еси, да поет, зову-
щи, вся тварь⁵⁰, и превозносит Христа веки.

⁴⁹того,
которого

⁵⁰творение

Канон Богородицы:

Ирмос той же.

Виден бысть на земли Тобою⁵¹, и с чело-
веки поживе, Иже благодатию несравненны-
й и силою, Емуже поюще вси вернии зо-
вем: осуществованная⁵² да поет Господа вся
тварь⁵³, и превозносит во вся веки.

⁵¹через Тебя

⁵²созданное

⁵³творение

Воистинну Тя, Чистую проповѣдающе,
славим Богородицу: Ты бо едина родила
еси от Троицы воплощенна, Емуже со
Отцем и Духом вси поем: да поет Господа
вся тварь, и превозносит во вся веки.

Канон святого:

Ирмос: Руце распростер Даниил, львов зияния в
рове затче: огненную же силу угасиша, добродете-
лю препоясавшися, благочестия рачители отро-
цы, взывающе: благословите вся дела Господня Гос-
пода.

Перси, разжигаемы огнем неправедне, пре-
подобне, леств погасил еси, сам же неопа-

ли́мь пребы́л еси́, дѣйством Свята́го Ду́ха/ и ко благочести́ю лю́ди пѣти возста́вил еси́:// благослови́те, вся дела́ Господ́ня, Го́спода.

Во Христа́ облѣкся еси́ воистинну, дрѣвняго челове́ка совлѣкся/ и обличив, преподобне, тьмы миродержителя́ ранами мучения, с веселием вопи́я: благослови́те, вся дела́ Господ́ня, Го́спода.

Па́влов неложне, Харито́не, быв учени́к, то́го стопа́м послѣдовал еси́, преподобне, и наста́вник показáлся еси́ мона́хом, всем быв пра́вило добродѣтели вопи́ющим: благослови́те, вся дела́ Господ́ня, Го́спода.

Богородичен: Ты еди́на во всех родѣх, Дѣво Чистая, явилася еси́ Ма́ти Божия, Ты Боже́ства́ была́ еси́ пребыва́лище, Всенепоро́чная, не опáльшися огне́м Непристу́пнаго Свѣта. Тем вси Тя Благослови́м, Мари́е Богоневѣсто.

Катавасия: *Отроки благочестивыя в пещи/ Рождество́ Богородичо спасло́ есть; тогда́ убо образу́емое, ны́не же дѣйствуемое, вселѣнную всю воздвизáет пѣти Тебѣ: Го́спода по́йте, дела́, и превозноси́те Егó во вся вѣки.*

Песнь 9

Канон воскресный:

Ирмо́с: *Безнача́льна Родите́ля Сын, Бог и Гос-
по́дь, вопло́щся от Девы, нам яви́ся, омраче́нная
просвети́ти, собра́ти расточе́нная, тем Всепе-
ту́ю Богоро́дицу велича́ем.*

Яко в рай насажде́но на лóбнем, Спа́се,
требога́тое дре́во Твоего́ пречи́стаго Кре-
ста́, кро́вию и водо́ю Божество́нною, я́ко
от исто́чника Божество́ннаго, ребра́ Твое-
го́, Христэ́, напо́яемо, живо́т нам прозябло́
есть⁵⁴.

⁵⁴возрастило
жизнь

Низложи́л еси́ си́льные, распни́йся, Все-
си́льне, и е́же ни́зу лежа́щее во а́дове твер-
ды́ни⁵⁵, естество́ челове́ческое возне́с, на
Отчем посади́л еси́ престо́ле. С Ни́мже Те-
бе́ гряду́щу покланя́ющесея, велича́ем.

⁵⁵в темнице
ада

Троичен: Еди́ницу Тричи́сленную, Трои-
цу Единосущную правосла́вно пою́ще ве́р-
нии, сла́вим: непресеко́мо Пребоже́ствен-
ное Естество́, трисвѣтлую, невече́рнюю за-
рю́, Еди́ну нетле́нную нам свет возсия́в-
шую.

Канон Крестовоскресный:

Ирмос: *От Бога Бога Слова, неизреченною мудростию пришедшаго обновити Адама, ядую в тление падшаго люте, от Святыя Девы неизреченно воплотившагося нас ради, вернии, единомудренно песньми величаем.*

Посредѣ осуждѣнных, яко Агнецъ возвышенъ былъ еси, Христѣ, на крестѣ, на лѣбнемъ копѣемъ в ребро прободаемъ, живѣтъ даровалъ еси намъ перстнымъ яко благъ, вѣрою чтущимъ Божественное Твое Воскресѣние.

Иже Своѣю смѣртию, смѣрти державу силою упразднѣвшему Богу вси вернии поклонимся, яко иже отъ вѣка мѣртвыя совоскреси, и всемъ подаѣтъ живѣтъ и Воскресѣние.

Канон Богородицы:

Ирмос: *Весь еси желаніе, весь сладость, Слово Божіе, Девы Сыне, Боже боговъ, Господи, святыхъ Пресвятый. Темъ Тя вси съ рождшею величаем.*

Жезлъ крѣпости дадѣся естествоу тлѣнному, Слово Божіе во утрѣбе Твоей, Чистая: и сиѣ воскреси, до ада поползшееся. Темъже Тя, Всечистая, яко Богородицу, величаемъ.

Юже изволил еси, Владыко, приими милостивно Молитвенницу, Матерь Твою, о нас,

и Твоея благаго всяческая исполнятся: да
Тя вси, яко Благодетеля, величаем.

Канон святого:

Ирмос: *Камень нерукосечный от несекомья горы Тебе Дево, краеугольный отсечеса, Христос, совокупивый разстоящаяся естества. Тем веселящеса, Тя Богородице величаем.*

Ни гроб, ходатай забвения, покрѣти воз-
може твоих, преподобне Харитоне, добро-
детелей: твоя бо память вечнующая солнечно
возсия, юже достойно величаем

Приидите, лѣтнюю память духовно совер-
шающе, братие, добродетельми подражающе,
богоносцу поревнуим и с ним возопи-
им: Тя величаем, Трисвятый.

Страстьми колеблющихся и бурю грехов-
ною, исповѣднице, погружаемая, ко Хри-
сту яко дерзновение имея, всегда сохраняй,
благочестно тя величающия.

Богородичен: Радуйся и веселися Невѣсто
Царя великаго, созерцающая светло Твое-
го Жениха красоту, паче злата сияющую и
паче солнца облиставшую.

Катавасия: *Всяк земнородный да възиграется,
Духом просвещаемь, да торжествует же Безп-*

лѳтных умѳв естество, почитающее священное торжество Богоматере, и да вопиет: радуйся, Всеблаженная, Богородице, Чистая Приснодево.

Ексапостиларий воскресный восьмой

Два Ангела видевши внутри грѳба, Марія удивляшеся, и Христѳ не знаящи, яко вертоградаря вопрошаше: гѳсподи, где положил еси тѳло Иисуса моего? Званием же Того познавши бѳти Самого Спаса, слыша: не прикасайся Мне, ко Отцу отхожду, рцы братии Моей.

Светилен преподѳбного Харитѳна

Страданием убо первее дѳбре искусився, вторѳе же постѳм течѳние божественное совершив, на Небеса возшел еси и Христу предстоиши, Харитѳне, ѳтче преподѳбне, за ны моляся тепле, поющия тя.

Богородичен воскресного ексапостилария:

От Трѳицы родила еси, Отроковице, единого неизреченно, во двою естеству суща, и сугуба дѳйством и единого ипостасию. Того убо моли присно, о иже верою поклоняющихся, от всякаго навета вражия избавитися: яко вси к Тебе ныне прибегаем, Владычице Богородице.

На хвалитех стихиры воскресные

Всякое дыхáние и вся тварь Тя сла́вит, Гóсподи, я́ко Крестóм смерть уп-разднѣл еси́, да пока́жеша лю́дем, е́же из мѣртвых Твое́ Воскресѣние, я́ко Едѣн Человеколю́бец.

Да рекѹт иудѣе, ка́ко во́ини погубѣша стрегѹщи Царя́; почтó бо ка́мень не сохрани́ Ка́мене жи́зни? Или́ Погребѣннаго да да́дѹт, или́ Воскрѣсшему да поклóнятся, глаго́люще с на́ми: сла́ва мнóжеству щедрóт Твоѣх, Спа́се наш, сла́ва Тебѣ.

Рáдуйтесь лю́дие и веселѣйтесь, Ангел седя́й на ка́мени грóбнем, той нам благовестѣи́, рек: Христóс воскрѣсе из мѣртвых, Спас мѣра, и испóлни всяческая благоухáния: рáдуйтесь лю́дие и веселѣйтесь.

Ангел ѹбо е́же рáдуйся, прѣжде Твоегó зачáтия, Гóсподи, Благодáтней принесѣ: Ангел же ка́мень сла́внаго Твоегó грóба в Твое́ Воскресѣние отвали́: ов ѹбо в печáли мѣсто, весѣлия óбразы возвещáя: сей же в смѣрти мѣсто, Владѣ́ку Жизнодáвца проповѣ́дуя нам, тѣмже вопиѣм Ти: Благодѣтелю всех, Гóсподи, сла́ва Тебѣ.

Стихиры прп. Харитона:

Благодать Духа, Харитоне отче, тебе возсиявши, светло просвети ты, отсюда умалил еси страстей ночь и безстрастия день постигл еси, чисте чистейшему Свету совокуплься, в Немже жительствуя, не забуди, богогласе, верою поющих священную твою память.

Благодать, желанную тебе, Харитоне,нося Небесную, земных небрегл еси, сего ради, яко безплотен, страдательное избрал еси житие, яко присносущныя, сладости потока/ благочестно насладитися хотя, богоприятне, и слезами изсушил еси/ мутный источник, преподобне, страстей, и напоил еси душепитныя класы.

Стих: Честна пред Господем смерть преподобных Егo.

Благодать исцелений, Харитоне, от благодати Божественныя достойно приял еси, отсюда духов тебе лукавых низлагается прелесть, и, недуг неудобных тли отбег, прешел еси, преподобне, источаеши бо, яко воды, благодатныя твоя струи, от нихже напаяеми, воспеваем память твою.

*Стих: Блажен муж бойся Господа, в заповедех
Его восхощет зело.*

Преподобне отче, глас евангельский Господень услышав, мир оставил еси, богатство и славу в ничтоже вменив. Темже всем вопиял еси: возлюбите Бога, и обрящете благодать вечную, ничтоже предпочтите паче любви Его, да егда придет во славе Своей, обрящете покой со всеми святыми. Егоже молитвами, Христе, сохрани и спаси души наша.

Слава: Мариины слезы не все проливаются тепле, се бо сподобися и учащихся Ангелов, и видения Самого Иисуса. Но еще земная мудрствует, яко жена немощная: темже и отсылается не прикасаться Христу. Но обаче проповедница посылается Твоим учеником, имже благовествование носящи, еже ко Отческому жребию восход возвещающи. С неюже сподоби и нас явления Твоего, Владыко Господи.

И ныне: Препоблагословенна еси...

© Острова
www.ostrova.org

2015